

CYNGOR DINAS CAERDYDD

DEDDF SAFONAU A THREFNIADAETH YSGOLION (CYMRU) 2013

DARPARU YSGOLION CYFRWNG CYMRAEG/SAESNEG

HYSBYSIR DRWY HYN, yn unol ag Adran 42 Deddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion, fod Cyngor Dinas Caerdydd (sef "yr Awdurdod" o hyn ymlaen), ar ôl ymgynghori â'r bobl briodol ym marn y Cyngor, yn cynnig gwneud y canlynol:

1. Uno Ysgol Gynradd Gabalfa, Colwill Road, CF14 2PQ gyda 210 o leoedd o fis Medi 2017.
2. Sefydlu'n barhaol Ysgol Glan Ceubal, Colwill Road, Gabalfa, Caerdydd, CF14 2QQ gyda 210 o leoedd o fis Medi 2016
3. Estyn ystod oedran Ysgol Glan Ceubal o 4-11 i 3-11 o fis Medi 2016

Cynhaliodd yr Awdurdod gyfnod ymgynghori cyn penderfynu cyhoeddi'r cynnig hwn. Gellir gweld adroddiad ar yr ymgynghoriad sy'n cynnwys crynodeb o'r materion a godwyd gan yr ymgynghoreion, ymatebion yr Awdurdod a barn Estyn yn:

www.caerdydd.gov.uk/ysgolionyr21ainganrif

Ar hyn o bryd mae 234 o ddisgyblion yn Ysgol Gynradd Gabalfa (Derbyn i Bl6), a gall dderbyn 247 ar hyn o bryd a chynigir cynyddu'r capasiti pan fo'r cynnig wedi'i weithredu i 210.

Nifer y disgyblion a gaiff eu derbyn i'r ysgol yn y Dosbarth Derbyn (y grŵp oedran perthnasol) yn 4 neu 5 oed, yn ystod y flwyddyn ysgol gyntaf y caiff y cynnig ei roi ar waith, fydd 30.

Bydd 48 o leoedd meithrin rhan amser yn Ysgol Gynradd Gabalfa. Bydd hyn yn galluogi hyd at 48 o blant meithrin 3-4 oed (o'r tymor yn dilyn eu pen-blwydd yn dair oed) i gael addysg feithrin rhan amser yn yr ysgol.

Ar hyn o bryd mae 84 o ddisgyblion yn Ysgol Glan Ceubal (Derbyn i Bl6), a gall dderbyn 117 ar hyn o bryd a chynigir cynyddu'r capasiti pan fo'r cynnig wedi'i weithredu i 210.

Nifer y disgyblion a gaiff eu derbyn i'r ysgol yn y Dosbarth Derbyn (y grŵp oedran perthnasol) yn 4 neu 5 oed, yn ystod y flwyddyn ysgol gyntaf y caiff y cynnig ei roi ar waith, fydd 30.

Bydd 48 o leoedd meithrin rhan amser yn Ysgol Glan Ceubal. Bydd hyn yn galluogi hyd at 48 o blant meithrin 3-4 oed (o'r tymor yn dilyn eu pen-blwydd yn dair oed) i gael addysg feithrin rhan amser yn yr ysgol.

Bydd rhieni plant a dderbyniwyd ar gyfer addysg feithrin yn dal angen gwneud cais am le yn yr Ysgol os ydynt am i'w plentyn i symud i'r dosbarth derbyn yn Ysgol

Gynradd Gabalfa neu Ysgol Glan Ceubal. Ni fydd mynychu'r feithrinfa'n sicrhau lle yn yr ysgol.

Bydd yr ysgolion yn parhau'n ysgolion cymunedol a byddant yn parhau i dderbyn disgyblion o'r ddau ryw.

Yr Awdurdod sy'n gyfrifol am dderbyn disgyblion i'r ysgolion, a'r Awdurdod sy'n pennu'r meini prawf derbyn.

Nid oes unrhyw gynlluniau i newid polisi'r Cyngor ar dderbyn plant i ysgolion o ganlyniad i'r cynigion hyn.

Mae gwybodaeth fanwl o ran trefniadau derbyn yn llyfryn Derbyn i Ysgolion y Cyngor a gellir gweld y llyfryn hwn ar wefan y Cyngor (www.caerdydd.gov.uk).

Nid oes unrhyw newidiadau arfaethedig i ddalgylchoedd yr ysgolion fel rhan o'r cynnig hwn.

Ni fydd trefniadau derbyn yr ysgol yn gwneud unrhyw ddarpariaeth ar gyfer dethol disgyblion yn ôl gallu na bandio disgyblion.

Bydd unrhyw drefniadau ar gyfer cludo disgyblion i'r ysgol yn cael eu gwneud yn unol â pholisïau presennol yr Awdurdod ar gludo plant i'r ysgol.

Gellir cyflwyno gwrthwynebiadau i'r cynigion hyn o fewn 28 diwrnod o ddyddiad cyhoeddi'r cynigion hyn, sef hyd at 02 Chwefror 2016.

Dylid anfon gwrthwynebiadau at y Cyfarwyddwr Addysg a Dysgu Gydol Oes, Cyngor Dinas Caerdydd, Neuadd y Sir, Glanfa'r Iwerydd, Caerdydd, CF10 4UW.

Gellir hefyd anfon gwrthwynebiadau at Gyfarwyddwr Addysg a Dysgu Gydol Oes, Cyngor Dinas Caerdydd i'r cyfeiriad e-bost canlynol: YmatebionYsgolion@caerdydd.gov.uk

Noder bod yn rhaid i unrhyw wrthwynebiadau a anfonir drwy e-bost gynnwys enw llawn a chyfeiriad post y sawl sy'n gwrthwynebu.

Bydd yr Awdurdod yn cyhoeddi crynodeb o unrhyw wrthwynebiadau o'r fath a wneir (ac nad ydynt wedi'u tynnu yn ôl yn ysgrifenedig) yn ystod y cyfnod gwrthwynebu, ynghyd â sylwadau'r awdurdod ar y gwrthwynebiadau hynny, cyn pen 7 diwrnod, gan ddechrau ar y diwrnod y penderfynir ar y cynnig.

Dyddiedig 06 Ionawr 2016

Llofnod: Marie Rosenthal
Cyfarwyddwr Llywodraethu a Gwasanaethau Cyfreithiol
Ar ran Cyngor Sir Dinas a Sir Caerdydd

NODYN ESBONIADOL

(Nid yw hwn yn rhan o'r Hysbysiad ond ei nod yw egluro'i ystyron cyffredinol)

Rhagwelir y bydd y ddwy ysgol (Ysgol Gynradd Gabalfa ac Ysgol Glan Ceubal) yn symud i adeilad safonol newydd o fis Medi 2017.

Byddai angen darparu 14 ystafell ddosbarth, dwy uned feithrin, dwy neuadd, cyfleuster cegin a rennir, derbynfa, a mannau penodol ychwanegol ar gyfer ymyriadau dysgu ac AAA, lle ar gyfer uned drochi y Gymraeg a meysydd chwarae ar wahân.

Byddai angen ymgynghori gyda'r ddwy ysgol o ran yr heriau yn gysylltiedig â gweithredu ysgol Gymraeg ac ysgol Saesneg o'r un adeilad. Byddai'r Cyngor yn gweithio'n agos gyda'r ysgolion i sicrhau y byddai unrhyw adeilad newydd yn bodloni gofynion y ddwy ysgol.